



**Voss uffant sa lamenta  
la damaun savens da  
mal il venter u di ch'el  
haja tema.**

**Regularmain cumen-  
za Voss uffant a cridar,  
cura ch'el avess dad  
ir a scola.**

**Da la magistra da classa  
udis Vus, che Voss uffant  
ha mancà pliras giadas  
en scola.**

## Chars geniturs

Nus As vulain infurmar davart il tema da l'absentissem da scola ed As preschen-  
tar pussaivladads d'agir. Conflicts e discussiuns davart l'ir a scola pon chaschu-  
nar situaziuns fitg difficilas per Vus sco geniturs e per Voss uffant.

### **Tge è absentissem da scola?**

D'absentissem da scola discurr'ins, sche uffants e giuvenils na vegnan repetida-  
main e senza motivs stringents betg a scola. I dat differentas furmas d'absentis-  
sem da scola:

- tema d'ir a scola (p.ex. tema da disdir, mobing)
- fobia envers la scola (p.ex. tema da sa separar dals geniturs,  
tema pervia da problems emoziunals)
- tralaschar d'ir a scola (p.ex. perquai che l'uffant n'ha nagin gust  
d'ir a scola ubain è sur- u sutdumandà)
- tegnair davent da la scola (ils geniturs impedeschan lur uffant  
d'ir a scola u mussan ina tenuta passiva envers absenzas)

Per la scola èsi gia suspectus, sch'in uffant manca dapli che trais giadas durant 6  
emnas e sche las absenzas n'han nagin connex ina cun l'autra.

### **Pertge èsi impurtant che Voss uffant giaja regularmain a scola?**

Pli ditg ch'in uffant resta absent da l'instrucziun, e pli difficil ch'igl è da puspè  
cuntanscher ina visita da scola regulara. L'uffant emprenda svelt in cumporta-  
ment disfavuraivel, per exempel, ch'i gida d'evitar ina situaziun, sch'ins ha tema u  
nagin gust da far insatge. Quai po disturbar fermamain il svilup personal, l'emp-  
render en scola e la scolaziun da l'uffant. Plinavant contrafa l'absentissem da  
scola a l'obligaziun legala d'ir a scola. La scola ed ils geniturs èn obligads da  
procurar cuminaivlamain per ina visita da scola regulara.

### **Co pudais Vus gidar sco geniturs?**

Discurri cun Voss uffant en ina situaziun calma. Prendai serius las experientschas  
da l'uffant. Purschai sustegn.

Contactai la persuna d'instrucziun da classa e tschertgai ensemen vias da soluzi-  
un. I po esser util d'involver la lavur sociala da scola u la direcziun da scola.

Mintgatant duvrais Vus sco geniturs in sustegn independent. Il Servetsch psico-  
logic da scola porscha ina cussegliaziun confidenziala e gratuita.

Las medias ed ils medis d'uffants u la psichiatria d'uffants e da giuvenils èn ulte-  
riurs posts da consultaziun.

